



bibliotheken graubünden
bibliotecas grischun
biblioteche grigioni

Biblioteca Casa de Mont Laax

Rapport annual 2016

Occurenzas e termins

28 da schaner: Marionna Tschuor-Coray representa la biblioteca da Laax alla sentupada dallas responsablas da biblioteca dalla Surselva che ha giu liug ella biblioteca Trun.

5 da fevrer: Biblioteca pintga: Barbara Rupp raquenta ina historia d'unviern.

24 da fevrer: Elisabeth Coray-Steiner e Marionna Tschuor-Coray ein stadas alla radunonza annuala da leger.GR a Domat. Daniela Dill divertescha las bibliotecaras cun in'ura da Slam Poetry.

30 da mars: La menadra ei stada presenta alla sentupada annuala dallas responsablas da biblioteca dil Grischun a Cuera. Referat: «L'avegnir da las bibliotecas» da Benita Imstepf dalla mediateca dil Valleis a Brig.

8 d'avrel: Biblioteca pintga: Cun maletgs quasi aschi gronds sco el kino raquenta Nadia Cathomas la historia dil luf che viseta la gaglina per cuschinar ina «suppa da crappa».

26 d'avrel: Las bibliotecaras da Laax fan in'excursiun a S.Gagl per cumprar cudischs novs e per passentar in di communabel.

31 da matg: Presentaziun dil cudisch «*Hoch geachter Her Verhörriichter...*» ella Sentupada. Il historicher Guadench Dazzi discuora cugl autur Martin Camenisch e David Flepp gioga scenas ord il mintgagi dil langegher. Ina aperitiv cun langeghers ha ei secapescha era dau (presentas: ca. 40 persunas).

1. da zercladur – 31 d'october: Ils bauns da lectura – a Laax sper il Lag Grond ed a Schluein el quartier Buortga – vegnan apprezzai fetg e nus vein adina puspei era buns resuns dallas persunas che fan diever da quella offerta.

17 d'uost: Petronella Däscher e Theres Schlienger, cumissiun da bibliotecas GR, visetan nossa biblioteca e dattan in fetg bien pareri davart la collecziun e presentaziun da medias.

7 da settember: Marionna Tschuor-Coray participescha ad ina sentupada da responsablas per cataloghisar. Il tema dalla dieta: «co vinavon cun RDA (Resource Description and Access)?», il sistem da cataloghisar che vegn introducìus per tuttas bibliotecas cun litteratura tudestga dall'Europa.

9 da settember: Noss'occurenza per l'jamna dallas bibliotecas GR: Petra Tuor raquenta la historia da «Felix e siu viadi entuorn il mund».

17 da november: Claudia Andreoli Jäger representa nossa biblioteca alla dieta d'informaziun pertuccont il niev sistem da cataloghisar RDA a Cuera.

16 da december: Biblioteca pintga: Nadia Cathomas raquenta als affons dalla tarmagliera «Il cudisch da giavischs dil bambin» e Sandra Cavelti raquenta als pli gronds «La plonta da steilas».



General

- Las occurrenzas «Biblioteca pintga» vegnan mintgamai visitadas da ca. 20 affons. Mintgagada san els era aunc malegiar ni zambergiar zatgei pign per prender a casa.
- Era duront igl onn vargau ha Petra Tuor fatg introducziuns da classa per la «scolaviva» (scolas da Laax, Falera, Sagogn e Schluein) e mintgamai era fatg igl emprest duront las uras da scola.
- Il 2016 havein nus remplazzau/cumprau da niev 510 medias.
- Duront igl onn 2016 havein nus giu in record da 10'433 emprests e 297 emprests tier dibiost (emprest digital).

Engraziel fetg

- a mias collegas Claudia Andreoli Jäger, Elisabeth Coray, Prisca Coray, Barbara Rupp e Petra Tuor pigl engaschi e per la buna collaboraziun. In engraziament special a mia substituta Elisabeth per menar la contabilitad;
- alla cumissiun dalla biblioteca, alla vischnaunca politica ed alla Fundaziun Pro Laax per la confidanza e per il sustegn;
- a nossa clientella per lur interess, per lur visetas e pil far diever da nossa biblioteca da vischnaunca e da scola.

Marionna Tschuor-Coray, menadra

Laax, ils 25 da fevrer 2017